

四庫全書

經部

欽定四庫全書

經部

春秋胡傳附錄纂疏卷十五

詳校官監察御史<sub>臣</sub>查善長

給事中<sub>臣</sub>溫常駿覆勘

總校官進士<sub>臣</sub>繆琪

校對官中書<sub>臣</sub>徐步雲

謄錄監生<sub>臣</sub>郭洽怡

欽定四庫全書

春秋胡傳附錄纂疏卷十五

元 汪克寬 撰

文公下

癸頃王九年晉靈三齊昭十五衛成十七蔡莊二十八邠元年鄭穆十曹共三十五卒陳共十四杞桓十

九宋昭二秦康三楚穆八春頃毛伯來求金來求止此左傳毛伯衛來求金非禮也不書王

命未葬也公羊傳毛伯天子之大夫何以不稱使當喪未君也踰年矣何以未君即位而未稱王也未稱王何

以知其即位以諸侯踰年即位亦知天子之踰年即位也以天子三年然後稱王亦知諸侯於封內三年稱子

也踰年稱公矣曷為於封內三年稱子緣臣民之心不可一日無君緣終始之義一年不二君不可曠年無君緣孝子之心則三年不忍當也求金何以書譏何譏爾王者無求求金非禮也穀梁傳求車猶可求金甚矣程子傳家父致命以徵車故書使來求毛伯風魯以求金故不云王使杜氏曰求金以共葬事

毛伯天子大夫何以不稱使當喪未君也

杜氏曰雖踰年而未

葬故不稱王使愚按不稱使與隱三年武氏子來求賻同求金固非當求而魯不供職貢罪亦見矣高氏曰公孫敖既不至京師魯遂不供天子之喪故毛伯於是來求金也冢宰秉國之鈞豈可以用度之闕而下求於諸侯乎陳氏曰自是魯雖不修貢周無求矣周室益衰而頃王之崩葬不見於經踰年即

位矣何以言未君古者諒陰三年百官總己以聽於

冢宰

本論語劉氏曰書顧命曰伯相命士須材此冢宰當國之文也家氏曰以子道終喪不忍代君

所以為孝也惟其不忍代君之心則事死如生喪亡如存而其為孝無所不在矣

夫百官總

己以聽則是冢宰獨專國政之時託於王命以號

去聲

令天下夫豈不可而不稱使春秋之旨微矣非特謹

天下之通喪

愚按三年之喪自天子達觀春秋在喪不書王命則喪制不可短矣

所以

示後世大臣當國秉政不可擅權之法戒也

愚按非王出號

令而冢宰攝行不可遂同王命而稱使跋扈之臣假

示君臣之分不可紊而大權不可專也

以春秋此義折之耳

愚按君命者人君威福之所係也人臣而假君命行於天下是

專輒之極篡奪之萌也故周公輔成王召公初立康王以王命誥臣民皆稱王若曰所以謹君臣之名分也自漢而來內臣則稱詔黜陟外臣則承制誅賞人主亦不加罪甚而武三思矯詔殺五王李輔國矯制遷上皇皆循襲而致然也跋扈之臣固不足責然人君當慎於微而為人臣者當審處於嫌疑之間耳

夫人姜氏如齊

昭杜氏曰歸寧臨川吳氏曰出姜當是齊昭公女蓋有所不安而歸寧以愬於

父母云耳趙氏以為无父母蓋謂歸寧合禮者經不書故疑其非昭公女也愚按齊昭公乃桓公之子桓公之

卒距文公之立已十有八年則出姜為昭公之女無疑矣

○二月叔孫得臣如京師

頃穀梁傳京大也師衆也言周必以衆與大言之也

辛丑葬襄王

何氏曰惡文公不自往僖公成

風之喪襄王比加禮故錄之以責內孫氏曰公子遂葬  
晉襄公今葬襄王魯皆使卿會是天子諸侯可得而葬  
也愚按譏魯君不親會葬義見隱三年春秋書葬天王  
者五惟襄王景王之葬使卿往會然視襄王之於成風  
舍賄而又會葬則得臣之遣不足以荅天子之寵光矣  
王氏曰此雖非禮猶為可道若夫以微者往會而不登  
於策不弔不葬而見略於經則又甚矣○劉氏曰穀  
梁云天子志崩不志葬舉天下而葬一人不疑也志  
葬危不得葬也日之甚矣其不葬之辭也非也晉靈人  
上曰得臣如京師即會葬之人矣何謂不葬乎晉靈人  
殺其大夫先都左傳夷之蒐晉侯將登箕鄭父先都而  
使士穀梁益耳將中軍先克曰狐趙之  
勲不可廢也先克奪蒯得田于莒陰故箕鄭父先都士  
穀梁益耳蒯得作亂使賊殺先克晉人殺先都梁益耳  
義并見下  
殺士穀傳○三月夫人姜氏至自齊杜氏曰告于廣何  
氏曰出獨致者得

禮故與  
臣子辭

夫人與君敵體

陳用之曰國君理陽道而正人於其外故謂之君夫人理陰德而正人於

其內故亦謂之小君易曰其君之袂詩曰我以爲君示與君齊也

同主宗廟之事出

必告行反必告至則書于策然適他國者或曰享或

曰會或曰如衆矣未有致之者則其行非禮以不致

見其罪也

愚按文姜享齊侯者一會者五如齊者三如齊師者一如莒者二皆淫姦之行

不書至者天倫泯滅人欲肆行不可以言至也

出姜如齊以寧父母於禮得

行矣

劉氏曰夫人曷為或致或不致出入以禮則可以致出入不以禮則不可以致此其為有禮索



何父母在而歸寧也

其致者非特以告廟書耳夫人初歸豈其

不告為

去聲

文公越禮

未終喪納幣

故削而不書示誅意之

法矣今此書至者又以見

音現

小君之重也

王氏曰歸寧書至則

正其禮之重以見其初之不正也

夫承祭祀以為宗廟主一國之母

儀而可以搖動乎出姜至是盖不安於魯故至而特

書以示防微杜漸之意其為世慮深矣

孫氏曰夫人行不至此至

者孔子傷文姜之亂出姜又不安魯終以子弑而去十八年歸于齊是也家氏曰姜氏始歸于魯不氏不書夫人至貶也今歸寧于齊書夫人姜氏如齊書夫人姜氏至自齊始正其夫人之體既貶之於前復正

之於後皆所以垂法也夫人與國君儼體其出其至皆書辨上下之分示衆妾不與夫人等因歸寧而見義非為歸寧而得書也文公无正家之法強臣僭妾比而為姦庶子奪嫡有萌而不悟春秋特書以正之永嘉呂氏曰錄紀叔姬之卒者為歸于鄭起也錄夫人姜氏之至者為歸于齊起也是聖人之微意也臨川吳氏曰婦人無外事禮合歸寧不得已而出亦以其得至國為喜也未至以前詎敢以為安乎彼非禮而行者固與恤其危哉故不書至也○趙氏曰穀梁云甲以尊致病文公也按反而告廟是得禮也何謂乎病公

晉靈人殺其大夫士穀及箕鄭父

穀戶木反左傳晉人殺箕鄭父士穀蒯得

杜氏曰梁益耳蒯得不書皆非卿

殺先都士穀國也其稱人以殺者國亂無政衆人擅

殺之稱也何以知其非討賊之詞書殺其大夫則知

之矣

荆欒盈良霄不書大夫

三大夫皆强家也

左昭五

求專晉不

得挾私怨以作亂而使賊殺其中軍佐則固有罪矣

曷為不去

上聲下同

其官當是時晉靈初立主幼不君政

在趙盾而中軍佐者盾之黨也若獄有所歸則此三

人者獨無可議從末減乎

臨川吳氏曰襄公於夷之寇將登箕鄭父先都使士

穀梁益耳將中軍以先克之言而止致先都等陰使賊殺先克時趙盾秉政先克其佐也惡先都等使賊

殺其佐不明正先都士穀箕鄭父之罪而使羣下殺之故書衆殺而不書國殺王氏箋義向使晉從其君之命士穀將中軍箕鄭父之徒各登其職則此亂無由作矣而皆殺之是大夫專

生殺而政不自人主出也故不稱國討不去其官而

箕鄭父書及

劉氏曰殺二大夫以上不言及其事同殺之之志均故也若晉之二趙三卻蔡

之二公孫是也書曰某及某者以某之故而延及于其遷怒而并殺之也衛元咺及公子瑕晉士穀及箕

鄭父是也示後世司賞罰者必本忠恕無有黨偏之意其

義精矣

高郵孫氏曰殺大夫言及者三蓋皆累而及之者也穀梁曰鄭父累也非也乃是士穀

累鄭父也

楚

穆

人伐鄭

穆

公子遂會晉

靈

人宋

昭

人衛

成

人許

昭

人救鄭

昭左傳鄭及楚平公子遂會晉趙盾宋華耦衛孔達許大夫救鄭不及楚師卿不書緩也以懲

不恪

按左氏范山

楚大夫

言於楚子曰晉君少

去聲

不在諸侯

北方可圖也楚子師于狼淵以伐鄭則是貪得無故

憑陵諸夏之兵也故楚子親將

去聲

敗而稱人晉宋衛

則趙盾華

戶化反

孔皆國卿也何以敗而稱人救而不

及楚師欲以懲不恪也

陳氏曰大夫敗而稱人晉遂不競而楚莊伯也蜀杜氏曰

獨出公子遂之名者俾後世知稱人皆晉主夏盟不

大夫矣諸國稱人亦所以人公子遂也

在諸侯以啓戎心誰之過乎薛氏曰城濮之役鄭无

而後救之晚矣予以見中國之元賢方伯也

故書救而稱人以罪趙盾之

不能折衝消患為強楚之所窺也

張氏曰楚自城濮以來不得志於中

國其君臣之心實未嘗一日忘也趙盾為政欲攘楚而大庇中夏正當力援其始以振中國之威乃視為常役而緩不及事師及鄭而楚已囚鄭公子而去豈拯焚溺之舉哉楚子聞宋殺申無畏也投袂而起屢及於室皇釁及於寢門之外車及於蒲胥之市楚人之敏於報怨如此而趙盾乃失伐楚之幾春秋所以貶之也

夏狄侵齊

昭張氏曰楚得氣去而狄交侵矣故書以病晉也高氏曰晉宗諸侯而兵不禦楚齊僅自

保而力不支狄夫狄不侵齊五年矣今復肆其強則桓丈之緒可謂衰矣

○秋八月曹伯襄

卒

年共公也在位三十五年子壽嗣是為文公

○九月癸酉地震

公羊傳地震者何動地也

何以書記異也穀梁傳震動也地不震者也震故謹而日之也左氏外傳陽伏而不能出陰遁而不能然於是年有地震杜氏曰地道安靜以動為異任氏曰前此百餘年未有書地震者而自此至哀公書地震者五地道以靜為體以順為正安以承天者也逆其常理而不得其節焉則震而不安其所承矣於此見諸侯變而不承天子大夫變而不承諸侯外域變而不承中國之象也王氏曰春秋五書地震惟於文襄昭哀見之皆陽微陰盛君弱臣強之所致文公怠惰政在大夫襄公外役於強楚內脅於強臣至反國而不敢入若昭哀則遂失國矣

○冬楚子

穆

使椒來聘

椒穀作荻楚君臣始並見經左傳楚子越椒來聘執幣傲公羊

傳椒者何楚大夫也楚元大夫此何以書始有大夫也始有大夫則何以不氏許夷狄者不一而足也穀梁傳楚元大夫其曰荻何也以其來我褒之也

楚僭稱王春秋之始獨以號

去聲下同

舉不齒列國中間

來聘

莊二

改而書人漸進之矣至是其君書爵其臣

書名而稱使遂與諸侯比者是以中國之禮待之也

劉氏曰前此者楚不與中國通其交於中國也名號僭而無法故擯諸中國得見於春秋者皆必有非常之事焉今使椒聘其號辭順其禮節中然後始均之中國矣故諸侯一也能自藩飾以禮樂者則謂之中



國不能自藩飾以禮樂上慢下暴者則亦外之中國  
是中外不在遠近而在賢不肖苟賢矣雖居四海謂  
之中國可也苟不肖矣雖處河洛謂之外國可也楚  
成以力為強執宋襄公戰勝天下威脅諸侯雖書春  
秋而不得以其爵通今使椒來聘常事耳自卑貶其  
名修下人之義而得編於諸侯君臣俱榮以此見德  
為貴力為下矣孫氏曰自孟之會楚復稱  
人此稱楚子者以其慕義修聘進之也

所謂謹中

外之辨內諸夏而外荒服義安在乎曰吳楚聖賢之

後

愚按吳太王長子太伯之後武王封之楚顓頊高陽之後陸終少子季連之苗裔成王封熊繹於楚

見周之弱王靈不及僭擬名號此乃中國而自絕者  
也聖人重絕之夫春秋立法謹嚴而宅心忠恕嚴於

立法故僭號稱王則深加貶黜特以號舉以正君臣之義恕以宅心故于地則尚存其故號于爵則或著其本封思善悔過向慕中國則進之而不拒此慎用刑重絕人之意也

劉氏曰列號則舉其本封正名則黜其僭妄推之可遠引之可來此

聖人慎絕人也

噫春秋之所以為春秋非聖人莫能修之乎

薛氏曰書楚子之使椒何无賢方伯荆蠻稍知用夏駸駸乎列大國之上張氏曰伐鄭而聘魯亦遠交近攻之意也愚按熊惲商臣負覆載不容之惡而春秋予其慕義蓋錄其一節之善所謂與其潔也不保其往也或謂春秋書荆楚來聘始書人次書君臣繼書大夫之名氏非漸進之也實以著其浸強耳今考莊

二十三年荆人來聘之先敗蔡虜蔡侯入蔡伐鄭來聘之後終莊公之世僅一伐鄭椒聘之先滅江蒍中國之與國滅六勦聖賢之裔胄伐鄭而與之平椒聘之後雖次厥貉而伐麇圍巢終文公之世其患未及於中國則非因來聘而浸強矣然則經書人書君大夫亦與其能以禮義自通於中華而進之耳遂罷之聘則魯既朝楚楚遂報聘全用中國諸侯之禮然書名書氏則自嬰齊會蜀而已然矣

秦

康

人來歸僖公成風之榼

榼音遂程子曰過時始至故云來歸雖子母先君後

夫人體當然也書秦人不云君使以失禮外之也言其苟簡也蓋嫡妾之亂自茲而始杜氏曰衣被曰榼秦辟陋故不稱使秦慕諸夏欲通於魯故

秦人歸榼而曰僖公成風者非兼榼也亦猶平王來

賁

撫鳳反

仲子而謂之惠公仲子爾

劉氏曰僖公成風猶惠公仲子爾若

謂兩人豈可叙母於子下哉禮曰婦人三從是謂婦人無專行耳朱子語惠公仲子想是惠公之妾僖公成風却是僖公之母不可一例論不必如孫明復之說

仲子惠公之妾也然則

風氏亦莊公之妾曷不書曰來歸莊公成風之祔乎

曰寵愛仲子以妾為妻者惠公也故書惠公仲子所

以正後世之為人夫者當明夫道不可亂嫡妾之分

扶問反

以卑其身尊崇風氏立為夫人者僖公也故書

僖公成風所以正後世之為人子者當明子道不可

行僭亂之禮以賤其父

劉氏曰僖公成風者妾母繫子而言耳諸侯無二嫡故妄

母繫子

聖人垂誡之義明矣

宣八年傳禘于太廟去其姓氏秦人歸祫不稱

夫人以賤之高氏曰秦晉方不睦而魯數與晉通故秦人歸祫以觀魯之情也夫祫所以送死者成風薨已四年具葬久矣而秦方以祫為名魯不能以非禮却之將焉用祫乎是以不君不大夫不使皆外之也外之者未能用周禮也張氏曰是時秦楚交病中國秦欲伐晉而歸祫於魯猶楚欲圖北方而來聘也○趙氏曰左氏云禮也諸侯相弔賀也雖不當事苟有禮焉書也以無忘舊好按春秋之作以為經出大訓故一字之義勸戒存焉但以無忘舊好則書非聖人之意也啖氏曰公羊云其言僖公成風何兼之兼之非禮也曷為不言及成風成風尊也按僖公成風與惠公仲子何殊傳謂兩人誤也若實祫兩人宜以子

居母上乎高郵孫氏曰成風以妾母僭稱夫人書薨  
書葬皆用夫人之禮於是秦人歸祔聖人正其法曰  
僖公成風猶曰成風之所以為夫人以僖公之失禮  
也穀梁云即外之弗夫人而見正焉夫天王舍賵會  
葬皆備夫人之禮秦人宣能弗夫人而以  
妾母為辭乎秦欲與魯通好不應殺其禮

葬曹共公

恭共音

甲頃王十年

晉靈公齊昭十六衛成十八蔡莊二十九  
鄭穆十一曹文公壽元年陳共十五杞桓

二十宋昭三秦  
康四楚穆九

春王三月辛卯臧孫辰卒

哀伯之孫文仲也其子許

嗣為大夫是為宣叔張氏曰文仲魯之名大夫也知柳  
下惠之賢而不與立自莊公末已與聞國政而四十餘

年間魯政多  
疵文公尤甚

○夏秦康

伐晉

秦伯伐晉取北徵程子傳  
秦靈左傳晉人伐秦取少梁

晉舍嫡嗣而外求君罪也既而悔之正也秦不顧義理之是非惟以報復為事故春秋惡而外之也

說者謂秦人伐晉以國書蓋闕文者

臨川吳氏曰秦下闕一字據

左氏少

去聲

梁北微

知陵反又音止

之師兩國相攻無他得失

言之也

陸氏曰書秦者狄之也傳無事迹

然晉取少梁事不經見

音現

固未可據秦以國書者程氏以為晉舍

音捨

適嗣而

外求君罪也既而悔之正矣秦不顧義理是非惟以

報復為事

高氏曰無衣之詩秦人刺其君好攻戰亟用民而不與民同欲豈謂是耶

非先

王之道也以此外秦義固然矣

何氏曰秦不知止故遂外之高郵孫氏曰

以其易世相讐交攻不已故不稱其人但曰秦者狄之也程子遺書禮一失則人理已亡將入於禽獸聖人將恐人之入於禽獸也故春秋之法極謹嚴諸侯而用無禮者則深絕之或者猶有深

許晉人悔過能改終不遂非之意故重貶秦伯以見

音

陳氏曰歸成風之襁使術來聘秦習於禮矣其

現乎狄之何楚之伯秦之力也自滅庸以後秦為楚役自晉主諸夏之盟舍秦無加兵於晉者也會于夷儀之歲秦晉成而不結又明年盟于宋而南北之勢成楚子曰釋齊秦他國請相見也是戰國之萌也於次國風退秦於魏唐之後於序書繫秦於周末於作春秋由釋原之後秦師無君大夫皆夫子所以深致意於秦也又三十年而外鄭又五十年而外晉外鄭可也外晉甚矣



楚

穆

殺其大夫宜申

左傳王使子西為工尹與子家謀弑王王聞之殺鬬宜申及仲歸

按左氏宜申與仲歸謀弑穆王而誅則是討弑君之賊也曷為稱國以弑又書其官而不曰楚人殺宜申

乎曰穆王者即楚世子商臣也而春秋之義微矣

臨川

吳氏曰商臣弑君父天地所不容宜申為工尹不能與同列共謀討賊乃止面事之越十年君臣之分已定而乃謀弑其義不足稱也然其謀不遂而身見戮聖人不以其當受今將之誅而以國殺大夫為文其意深矣

自正月不雨至于秋七月

穀梁傳歷時而言不雨文不閔雨也不閔雨者無志乎民

也通旨書文公自正月不雨至于秋七月猶言有雨亦可無雨亦可愚按正月之上不繫王者蓋每歲之首必書王所以著一歲十二月皆承天子之正朔故此年及十三年總書不雨但紀月數而已非若歲首正月之比也聖人書法各有微意游夏不能贊一辭謂此類也或者猶以桓公之正月不書王為闕文宜未深考耶○

及蘇子盟于女栗

左傳頃王立故也杜氏曰女栗地闕蘇子周卿士王新立故與魯盟親諸

侯僖十年蘇子奔衛今復見蓋王復之趙氏曰公及之也不書公諱獨與天子大夫盟王氏曰不書公諱與王臣盟也襄王喪葬公未嘗往頃王既立公又不朝乃及王臣為不相信之盟臣子之義安在哉家氏曰頃王即位諸侯莫有朝京師者王命蘇子盟魯文公儻知事君之道辭不敢盟躬親于京師而請職事焉可也今及蘇子盟不恭甚矣春秋雖為魯諱而貶魯之意深矣或疑蘇子外交夫蘇子迺流離困躓之人何有於外此實王

使之盟耳陸氏曰畿內諸侯皆曰子般荆已然箕子微  
子是也周因之王臣稱子皆畿內諸侯也蘇子劉子單  
子尹子  
○冬狄侵宋  
昭高氏曰狄侵諸大國獨宋未爾  
是也

又將來伐則  
國幾亡矣

○楚子

穆

蔡侯

莊

次于厥貉

厥公作屈音

同貉音麥左

傳陳侯鄭伯會楚子于息遂及蔡侯次于厥貉將以伐  
宋宋華御事曰楚欲弱我也先為之弱乎乃逆楚子勞  
且聽命遂道以田孟諸宋公為右  
孟鄭伯為左孟杜氏曰厥貉地闕

楚滅江六

文四年五年

平陳與鄭

前年楚子

伐鄭因公子

堅公子龐及樂耳鄭及

楚平楚侵陳克壺丘公子朱自東夷伐  
陳陳人敗之獲公子茂陳懼乃及楚平於是乎為伐

宋之舉次于厥貉

杜氏曰將伐宋而未行故書次

凡伐而次者其次

為善次而伐者其次為敗齊師次陞修文告以威敵

善之也故上書伐楚以著其美

僖四年

楚次厥貉藏禍

心以憑夏貶之也故下書伐麋

俱倫反

以著其罪當是

時陳鄭宋皆從楚矣獨書蔡侯何哉鄭失三大夫侯

救而不及陳獲公子茂

扶廢反

而懼宋方有狄難

乃旦反是

冬狄侵宋蓋有不得已者非所欲也蔡無四境之虞則是

得已不已志在僭亂矣故削三國書蔡侯見

音現

棄諸夏之惡也

高氏曰楚子者弑父與君之賊將求諸侯欲前而未敢而中國諸侯如宋

陳鄭之君乃皆俛首而聽命焉聖人於此不從諸侯  
會盟之例特書曰楚子蔡侯次于厥貉次者遲疑不  
前之意著楚子包藏禍心欲憑陵諸夏而未敢遽前  
也唯蔡侯首附夷狄故表而出之以均其罪厥後諸  
侯知中國之不可棄復同盟于新城非若蔡侯之堅  
服楚也則此獨書蔡侯其旨深矣蜀杜氏曰春秋之  
文先諸夏而後僭亂此序楚子於蔡侯之上者蔡為  
中國諸侯與楚比周欲同力伐宋故序於楚下以疾  
其受制於楚所以示譏也既譏之又書其爵者斥言  
蔡侯以罪其人也既言蔡侯則不可言楚人矣高郵  
孫氏曰厥貉之次遂稱楚子而明年伐麇又以爵  
書自是與中國等僭亂益強而中國之衰益甚矣  
乙頃王十有一年晉靈公齊昭十七衛成十九蔡莊三  
已三年十有一年十鄭穆十二曹文二陳共十六杞桓  
二十一年宋昭四  
秦康五楚穆十  
春楚子穆伐麇麇俱倫反公作圖楚始  
書君將左傳厥貉之會

麋子逃歸楚子伐麋成大心敗麋師于防渚潘崇復伐麋至于錫穴襄陵許氏曰楚侵伐書爵如此中國日替矣高氏曰自會蜀之後雖其大夫帥師亦書名氏一同中國蓋聖人悼中國無盟主故不以伐伏待之也杜氏曰麋小國近楚鄭氏曰在均州○夏叔仲彭生會晉靈

卻缺于承筐

公穀無仲字卻去逆反筐公穀作匡此大夫特相會之始左傳叔仲惠伯會晉卻缺

于承筐謀諸侯之從於楚者杜氏曰承筐宋地在陳留襄邑縣西張氏曰今拱州襄陵縣愚按晉欲謀貳國而便次卿為會魯亦不違執政而使惠伯往其謀之不達而不足以却楚人方張之勢也審矣然新城之盟宋陳鄭皆同則人心之天理未泯而承筐之會猶愈於歸父子宋之會也王氏曰此會謀諸侯之從楚未為非義然大夫交為會禮以謀國事諸侯之政大夫擅之矣蜀杜氏曰自文公之後大夫擅相為會者多矣春秋詳而志

之。○秋曹伯來朝。左傳曹文公來朝即位而來見也。○公子遂如宋。

昭左傳襄仲聘于宋且言司城蕩意諸而復之因賀楚師之不害也。○狄侵齊。昭高氏曰十餘年之

間狄四侵齊非特齊之不競亦狄之強。○冬十月甲午橫也。狄之強如此乃所以大滅之功也。

叔孫得臣敗狄于鹹。敗必邁反左傳鄭賈侵齊遂伐我公卜使叔孫得臣追之吉侯叔夏

御莊叔繇房甥為右富父終甥駟乘敗狄于鹹獲長狄僑如富父終甥搃其唯以戈殺之公羊傳狄者長狄也

兄弟三人一之齊一之魯一之晉之齊者王子成父殺之之魯者叔孫得臣殺之其言敗何大之也穀梁傳長

狄弟兄三人侯宕中國瓦石不能害叔孫得臣最善射者也射其目身橫九畝斷其首而截之眉見於載杜氏

曰鄭賈狄國名防風之後漆姓鹹魯地

左氏稱此長狄也而劉敞以為非

劉氏曰經無長字安知其是長狄哉

赤狄白狄山戎姜戎陸渾戎春秋書之未嘗略何至於長狄而獨不書哉高郵陳氏曰或者長狄為將其幹軀有以異於人故三傳因之以生此語耶夫春秋正名之書其稱狄也

或曰狄或曰白狄或曰赤狄

赤狄之類又別以潞氏申氏留吁

其稱

戎也或曰戎或曰山戎或曰姜戎或曰陸渾之戎

又或

曰雒戎或曰北戎或曰茅戎或曰戎蠻

不別

筆列反

其族與類書之于策

後亦無所攷矣

家氏曰七年狄侵我公使告于晉趙宣子使讓鄆舒而狄之侵暴自若也

至是鄭驕侵齊遂伐我得臣敗之于鹹獲長狄僑如春秋書以嘉之高氏曰春秋書敗狄者四皆不書戰



不與其抗列國之師也敗不曰師微之也○趙氏曰穀梁云一人而曰敗以衆焉言之也若如所說當云敗長狄于鹹今直云狄則舉狄軍總敗耳又云何為不言獲曰古者不重傷不禽二毛故不言獲為內諱也按不言獲賤其師之辭爾無他義劉氏曰不言帥師者將尊師少爾有向可疑哉

丙頃王  
十四年

十有二年

晉靈公齊昭公衛成公陳共公蔡莊三

桓二十二年宋昭公  
秦康六年穆公

春王正月邾伯來奔

邾公作盛趙氏

子朱儒自安於夫鍾國人弗徇邾伯卒邾人立君太子以夫鍾與邾邾邾來奔公以諸侯逆之故書曰邾伯來奔不書地尊諸侯也按諸侯嗣位未踰年稱子豈有君父病而不視死而不喪身未即位以邑出奔而稱邾伯且鄭忽曹羈莒展皆已即位及其出奔猶但稱名況未嗣位乎公羊云失地之名何以不名兄弟辭也按失地之

君例書名若以兄弟之國不名曹伯陽衛侯衍何以書乎劉氏曰意者先邲伯以去年卒太子即位而不能自安遂出奔也以其即位日淺或謂之太子而左氏誤以為太子出奔也且魯但以諸侯逆之便謂之邲伯春秋又沒其專土叛君之罪反謂之諸侯則何以言不登叛人哉孫氏曰諸侯失地皆名此不名者非自失國也莊八年邲降于齊師自是入齊為附庸此又來奔齊齊師偪邲故不名高邲孫氏曰邲伯非無罪以偪之者其罪重不得不殺邲伯之名以見之也王氏曰不名者惡齊之暴起邲之罪也愚按左傳謂邲太子朱儒稱邲伯晉太子州蒲稱晉侯今考許叔入許不稱許男衛武盟踐土止稱衛子安有竊地之臣子而予之以爵君在而世子擅其位亦予之以其君之尊稱者哉苟以太子而稱爵則子般子野之卒皆當書公薨而蔡世子有當書蔡侯矣春秋辨名分之書若曰因其恃禮從而志之則吳楚可以書王而不革也

○杞伯桓來朝

左傳杞桓公來朝始朝公也杜氏曰復稱伯舍夷禮范氏曰蓋時王所進詳見僖二十三年○二月

庚子子叔姬卒

公羊傳此未適人何以卒婦人許嫁字而笄之死則以成人之喪治之穀梁傳

許嫁以卒之也趙氏曰時君之女故曰子以別非先君之女也○啖氏曰左氏云杞桓公請絕叔姬而無絕昏

公許之叔姬卒不言杞絕也書叔姬言非女也按此傳大誤當在成八年誤置此爾陸氏曰公穀皆云稱子者

公之子姊妹按經文稱子明是時君之子云母姊妹有何理哉愚按二傳以書子為同母妹然十四年再書子

叔姬苟皆同母不當同字矣

○夏楚

穆

人圍巢

左傳楚令尹大孫伯卒成嘉為令尹羣舒

叛楚子孔執舒子平及宗子遂圍巢杜氏曰巢吳楚間小國廬江六縣東有古巢城張氏曰今無為軍巢縣愚

按無為州今屬廬州路高氏曰書稱曹伯來朝則巢之建國久矣楚遂取之為屬邑後為吳所滅王氏曰王道

之行小國各安其職而貢獻于天子及其哀也小國困  
於強暴不得保其社稷者多矣書者惡楚之不仁而小  
國之無所  
○秋滕子昭來朝  
左傳滕昭公來朝亦始朝  
庇賴也

相繼來朝傳皆謂公即位而始朝以文公之昏庸怠惰  
而儒書秉禮之舊周公禽父之澤猶為諸侯之所尊敬  
文公乃不思述職之有闕已越再朝之期  
○秦伯康使  
而不修往覲之禮於京師何謬之甚哉

術來聘

術公作遂左傳秦伯使西乞術來聘且言將伐  
晉襄仲辭王對曰不腆敝器不足辭也襄仲辱

賄之高氏曰前此來歸僖公成風之祿蓋將來聘而以  
此先之也陳氏曰自戰韓而後秦伯稱人此稱秦伯者  
以其能聘也張氏曰秦人以賄結魯而魯亦以厚賄答  
之賓主相與以貨利而坐視伯主之受兵比事以書而  
自見矣孫氏曰術不氏與楚蠻夷之國秦介戎狄之間  
定謂與楚子使椒一例荆楚蠻夷之國秦介戎狄之間

其禮未同於中夏故略之今考歸祿稱秦人而此年來聘稱君大夫是亦漸進之矣○陸氏曰公羊云秦无大夫按已前秦未嘗使大夫來故不書爾王氏曰公羊以謂賢繆公而不知遣術乃康公也○冬十有

二月戊午晉

靈

人秦

康

人戰于河曲

左傳秦伯伐晉取羈馬晉人禦之趙

盾荀林父卻缺史駢欒盾胥甲從秦師于河曲史駢曰秦不能久請深壘固軍以待之秦人欲戰秦師掩晉上軍趙穿追之不及反怒以其屬出宣子曰秦獲穿也秦以勝歸我何以報乃皆出戰交綏秦師夜遁復侵晉及瑕公羊傳此偏戰也何以不言師敗績敵也程子傳凡戰皆以主人及客秦曲故不云晉及杜氏曰不書敗績交綏而退不大崩也河曲在河東蒲坂縣南張氏曰今河中府河東縣南有河曲愚按河中府今屬平陽路

秦伯親將

去聲

晉上卿

趙盾

禦之

其稱人

何為

去聲

令平聲

狐之役故也秦納不正遂非積愆晉不謝秦潛師禦

之是以暴

蕭卜反

兵連禍至此極也凡戰皆以主人及

客者處已之道寡怨之方王者之事其不書晉及何

也前年秦師來伐晉不言戰者晉已服矣

本程子

故外

秦而免晉今又為此役則秦曲甚矣故不以晉為主

惟動大衆從秦師不奉詞令以止之也故貶而稱人

此輕重之權衡也

張氏曰秦晉蹟兵殘民其罪甚矣故秦伯趙盾皆以人書貶也。趙

氏曰穀梁云不言及秦晉之戰已亟故略之據經書日月書地則是一戰爾何得云數哉劉氏曰公羊云

曷為以水地河千里一曲非也河曲者亦地名爾若千里一曲悉可名之是三河之間无他地名直曰河已曲而

# 季孫行父帥師城諸及鄆

鄆公作運後同左傳書時也穀梁傳稱帥師言有難也杜

氏曰鄆莒魯所爭者城陽姑幕縣南有員亭員即鄆也以其遠偏外國故帥師城之孫氏曰帥師而城畏莒故也張氏曰鄆魯之東鄆今鄆州須城縣莒魯爭鄆始於此前此莒未嘗與魯有爭且未嘗有事于鄆今行父帥師城二邑以起爭端魯自此與莒有仇由鄆始永嘉呂氏曰前此莒人請盟公孫叔如莒蒞盟則莒魯未始有怨也今城二邑而懼莒之難者以公孫叔之在焉故也家氏曰城一邑已為勞民今一朝城二邑其勞民為甚書城諸及鄆貶也春秋之法城非其時貶城非其制貶興兵以城无在所貶帥師而城者三襄十五年季孫宿

叔孫豹帥師城成邾哀三年季孫斯叔孫州仇城啓陽

與此皆譏也愚按邾在今益都沂州此一大夫將兵

而城二邑成邾啓陽皆二卿將

兵而城一邑其煩民尤甚矣

丁頊王十有三年晉靈公齊昭十九衛成二十一蔡莊

卒杞桓二十三年昭春王正月○夏五月壬午陳侯朔

卒秦康七年楚穆十二共公也在位十八年○邾子蘧蒢卒蘧蒢居反蒢作蘧蒢

文公也在位五年○自正月不雨至于秋七月通旨春秋

年正月不雨夏四月不雨六月雨金與文十三年自正

月不雨至于秋七月文意不同唐陳氏曰凡旱為災多

驟於夏竟夏不雨則為災如傳三年書六月雨則旱不

竟夏不為災斯書正月不雨至秋七月夏在中為災可



知荀亦曰夏大旱則嫌連春秋不雨苟  
備者三時不雨更曰大旱則文繁矣

○世室屋壞左

殺作大音泰左傳大室之屋壞書不共也公羊傳世室  
者何魯公之廟也周公稱太廟魯公稱世室羣公稱宮  
世室猶世世不毀也周公何以稱太廟于魯封魯公以  
為周公也世室屋壞何以書譏久不修也穀梁傳譏不  
修也大室猶世室也周公曰大廟伯禽曰大室羣公曰  
宮禮宗廟之事君親割夫人親舂敬之至也為社稷之  
主而先君之廟壞亟稱之志不敬也程子傳觀春秋中  
文公事宗廟最為不謹遂有世室屋壞之變天人之際  
可不畏哉何氏曰  
不月者蒙上月

世室魯公之廟也

何氏曰魯公周公子伯禽始封之君故不毀

周公稱大

音泰廟魯公稱世室羣公稱宮

范氏曰爾雅宮謂之室室謂之宮然則其實一

也蓋尊伯禽而異其名

書世室屋壞譏久不修也

杜氏曰簡慢宗廟使至傾

頽故書以見臣子之不恭

何以知久乎自正月不雨則無壞道也

不雨凡七月而先君之廟壞不恭甚矣

高氏曰世室者人君所常

有事焉者也公每月朝之有司又當以時黜堊之宜有將壞而不知者且又無淫雨之災而其屋自壞則其不知省也久矣通旨問旱乾水溢一切工作自宜報罷自正月不雨至于七月猶言大室屋壞如何曰居處猶欲完葺况宗廟乎此與莊公三築臺不雨築鄔大無麥禾不同大室既壞必須便修而春秋不書意可知矣○世室始封之祖廟新宮成公之禰宮御廩染盛之所藏皆當務也時不亟則譏緩制不備則譏略故更造而不書者凡此皆志文公怠慢不謹事雖用民力不可已也

宗廟以致魯國衰削之由垂戒切矣

臨川吳氏曰世室伯禽之廟也

周公封於魯留相王朝而不適魯使伯禽就封周公雖不適魯然實為魯之始祖故魯之太廟視周公百世不毀伯禽雖代受封然上有周公為之父則不得為始祖其廟為昭之第一室諸侯之禮唯太廟不毀二昭二穆皆四世而遞遷周天子也周之王業自文武始故文武廟謂之世室與太廟皆百世不毀此天子之禮非諸侯所得僭也成王賜魯以天子之禮祀周公魯人以伯禽為世受封之君欲不毀其廟故以其廟為世室如周之文武以尊伯禽僭也文公怠慢久不修廟遂至屋壞聖人書之因見世室之非禮也世太二字通用故左穀誤世為太杜氏以為太廟之室諸儒多從之夫廟制中央一室謂之大室書洛誥記成王祭文王武王而曰王入太廟裸彼文武廟亦有太室非太廟之室也且不早修廟以致屋壞謂一

廟之屋盡壞也若果太廟屋壞當書太廟今書太室  
宣太廟之中前堂後寢左右夾室東西二廂皆不壞  
而唯中間一室獨壞也於義有不通矣愚按王制諸  
侯太祖之廟鄭氏以太祖為始封之君孔氏正義謂  
始封如齊太公之屬伯禽封於魯以奉周公之祀則  
周公實魯之始祖而伯禽乃始封之君故魯人權宜  
變禮而不祧魯公之主以為世室春秋志世室屋壞  
而不書新作世室則亦未可以為非禮也後世援例  
而立武宮煬宮又桓僖親盡不毀而說  
者且妄謂武宮亦稱世室則非禮矣

冬公如晉

靈

衛侯

成

會公如沓

會下公無公字

杜氏曰沓地關

○狄侵

衛

成臨川吳氏曰晉不能霸故狄屢  
犯中國因衛侯之出乘間侵之

○十有二月己丑

公及晉侯

靈

盟公還自晉

還上公穀  
無公字

鄭伯

穆

會公于棐

集芳尾反公作斐左傳公如晉朝且尋盟衛侯會公于  
當請平于晉公還鄭伯會公于斐亦請平于晉公皆成  
之公羊傳還者善辭也何善爾往黨衛侯會公于當至  
得與晉侯盟反黨鄭伯會公于斐故善之也杜氏曰斐  
鄭地鄭衛敵於楚畏晉故因公請平高氏曰凡言公及  
諸侯會者皆公往與之會也皆之會公已出魯而衛侯  
因公之將如晉而來會斐之會鄭伯因公還未至於魯  
而就會之故皆曰會公初衛鄭舍晉而從楚豈得已哉  
強弱之勢不敵滅亡之徵可待始為一時之計爾而晉  
未之察季文子相魯侯為之請成以紓兩國之患春秋  
善和難故詳志之且見公一出而二國附如此惜乎其  
自怠也愚按斐即渠林在今汴梁路均州新鄭縣夫諸  
侯將朝于天子而預相會禮也今文公朝晉而往返會  
衛鄭之君非禮也然自叔仲惠伯會卻缺于狄筐今公  
又會衛侯鄭伯于當斐而明年新城之盟服楚之國皆  
秦異即同則輔伯之功魯亦不能無助於晉焉公羊以

謂春秋善之此聖人待衰世之意也宣公之世衛侯為晉致魯使豫良夫來盟而黑壤之會公卒見辱比事以觀美惡見矣○劉氏曰殺梁云還者是未畢也自晉事畢也非也畢則云畢未畢則云未畢且畢且未畢如何為義乎

戊頃王六年崩子班甲嗣位是為匡王

十有四年

晉靈公八年齊昭二十卒衛成二十二年蔡莊三十三

衛穆十五曹文五陳靈公平國元年杞桓二十四宋昭七秦康八楚莊王旅元年

春王正月公

至自晉

於事天子之禮故聖人於此一簡書之特詳是

後成公之世朝晉者四襄公之世朝晉者五昭公朝晉而屢不見納事霸益恭而益自辱矣

○邾定

人伐我南鄙叔彭生帥師伐邾

左傳邾文公之卒公使弔焉不敬邾人來討伐

我南鄙故惠伯伐邾家氏曰魯以七年伐邾取須句邾人不能報至是與南鄙之師左氏廼謂邾人討魯之不

敬彼小國安敢責禮於大國亦修○夏五月乙亥齊侯

潘卒昭公也在位二十年子舍嗣高氏曰孝公名昭而諡潘曰昭非禮甚矣愚按隱三年傳位舍之賊未

討故不書葬○六月公會宋公昭陳侯靈衛侯成鄭伯穆許

男昭曹伯文晉靈趙盾癸酉同盟于新城左傳從於楚者服且謀邾

也穀梁傳同者有同也同外楚也程子傳諸侯始會議合而後同盟者志同故書同同懼楚也何氏曰盟下日

者刺諸侯微弱信在趙盾杜氏曰新城宋地在梁國穀熟縣西張氏曰今南京應天府愚按今般陽路新城縣

同盟于新城同外楚也其曰同者志諸侯同欲非強

上聲之也

家氏曰諸侯既散而復合春秋書同盟與齊桓于幽之同盟其事雖異所以為同則一也

去夷即華人心天理之同然是以春秋與之特書曰同與諸侯之同乎中國也而宋公陳侯

鄭伯在焉則知楚次厥貉三國雖從誠有弗獲已者

削而不書盖恕之也蔡不與

音預

盟果有背

音佩

晉即楚

之實矣夷攷晉楚行事未有大相遠也

據晉不討齊商人

而春秋予奪如此者荆楚僭王若與同好

呼報反

陵蔑

中華是將伐宗周為共主君臣之義滅矣可不謹乎

高氏曰去冬衛鄭皆因公而請平于晉至是諸侯之從楚者復附晉也夫天王崩葬諸侯皆若不聞而相



與同盟可乎不待貶而自見也張氏曰許自文公園之不服襄公又嘗伐之今始與盟會也平菴項氏曰幽之同同授諸侯于諸侯也新城之同同授諸侯于大夫也愚按春秋惟新城雖澤書公會諸侯下書是日同盟蓋新城乃趙盾主盟而難澤單子與盟故皆志日於同盟之上以謹其瀆君臣之分也蜀杜氏曰趙盾專政書日以謹其惡也

秋七月有星孛入于北斗

孛音佩左傳周內史叔服曰不出七年宋齊晉之君皆將

死亂公羊傳孛者何彗星也其言入于北斗何北斗有中也何以書記異也穀梁傳孛之為言猶第也其曰入北斗有北斗域也

孛者惡氣所生闇亂不明之貌也

本董

入于北斗者

杜氏曰既見而移入北斗

斗有環域

范氏曰斗有規郭入其魁中

天之三辰綱

紀星也宋先代之後齊晉天子方伯中國紀綱

劉歆曰天

之三辰紀綱之星宋齊晉天子方伯中國紀綱斗七星故曰不出七年

彗者所以除舊

布新也

何氏曰字者邪亂之氣狀如彗彗者掃故置新之象孫氏曰偏指曰彗光芒四出曰彗

禎祥妖孽隨其所感先事而著

劉氏曰北斗貴星人君之象也第星亂臣

之類言邪亂之臣將並弑其君

後三年宋弑昭公又二年齊弑懿公

又二年晉弑靈公

本杜氏注

此三君者皆違道失德而死

于亂符叔服之言天之示人顯矣史之有占明矣

愚按

春秋書字者三此年入北斗而兆齊宋晉之弑昭十七年李于大辰而兆王子朝之禍哀十三年李于東方而吳將為越所滅始而應在伯國繼而應在王室終而應在蠻夷吳楚亦不能霸矣天變愈甚而世變愈極春秋蓋傷之也

公至自會

愚按既書公至則諸侯不與納捷菑之師也

○晉靈人納捷菑于

邾定弗克納

捷菑公作接菑側其反左傳晉趙盾以師納捷菑于邾邾人辭曰齊出糴且長宣子曰

辭順而弗從不祥乃還公羊傳納者何入辭也其言弗克納何大其弗克納也晉卻缺帥師革車八百乘以納捷菑于邾婁力沛若有餘邾婁人言曰糴且也長卻缺曰非吾力不能納也義實不爾克也引師而去之故君子大其弗克納也其稱人何不與大夫專廢置君也穀梁傳是卻克也其曰人何也微之也何為微之長穀五

百乘縣地十里過宋鄭滕薛曼八十乘之國欲變人之主至城下然後知何知之晚也未伐而曰弗克何也弗克其義也纓且正也捷菑不正也

邾文公元妃齊姜生定公二妃晉姬生捷菑文公卒

邾人立定公捷菑奔晉趙盾以諸侯之師八百乘納

捷菑于邾邾人辭曰齊出纓且

子餘反

長

展兩反並左傳

宣子

曰非吾力不能納也義實不爾克也引師而去之故

君子善之而書曰弗克納也

何氏曰大其不以已非奪人之是趙氏曰弗克

納言失之於前而得之於末愈乎遂也

在易同人之九四曰乘其墉弗

克攻吉象曰乘其墉義弗克也其吉則困而反則也

朱子本義乘其墉矣則非其力之不足也特以義之弗克而不攻耳能以義斷困而反於法則故吉也

其趙盾之謂矣聖人以改過為大過而不改將文

去聲

過以遂非則有怙終之刑

舜典怙終賊刑注怙謂有恃終謂再犯

過而

能悔不貳過以遠去聲罪則有遷善之美其曰弗克納

見音現私欲不行可以為難矣然則何以稱人大夫而

置諸侯非也

本公羊劉氏曰聞義而改見義而徙矣為而不免於貶曰不耻過作非僅得免

怙終之刑耳何足以言賢夫賢者之事其君言必謀於義行必順於道是以無過舉矣有用賤凌貴用少

凌長以力為之者哉聞義能徙故為之諱內以諱為敗外以諱

為善

陸氏曰廢置諸侯王者之事人臣專之罪莫大焉夫子善其聞義能徙故為之諱也凡事不合

理而心可嘉者皆以諱為善愚按宣子執伯國之政奉不正而奪正雖曰隱之而其罪亦甚矣○趙氏曰左氏云趙盾以諸侯之師八百乘納捷菑于邾若實用諸侯師經不合不書故知妄也唐陳氏曰文六年趙盾將中軍持國政卻克宣十七年方代士會將中軍則納捷菑乃宣子明矣

九月甲申公孫敖卒于齊

左傳穆伯之從已氏也魯人立文伯文伯疾請曰穀之子

弱請立難文伯卒立惠叔穆伯重賂以求復惠叔以為請許之將來卒于齊告喪請葬弗許穀梁傳奔大夫不卒為受其喪不可不卒也其地於外也范氏曰卒在常所則不地嬰齊卒經屢仲遂卒于垂或踰境或不踰境

皆書地陸氏曰奔大夫不書卒非我臣也既許其歸即我臣也故書之且明君臣之義死生一也高氏曰教廢命奔莒此誅廢之罪也已而奔齊主齊而請復公於是乎許之則其卒也是亦大夫而已矣所以特書其卒以典刑之壞且為齊人歸喪起也○劉氏曰左氏傳例云公不與小飲則不書日今教卒于齊何為反日耶

齊公子商人弑其君舍

左傳子叔姬妃齊昭公生舍叔姬元寵舍元威公子商人驟施

於國而多聚士盡其家資於公有司以繼之昭公卒舍即位七月乙卯商人弑舍公羊傳此未踰年之君也其言弑其君何成死者而賤生者也穀梁傳舍未踰年其曰君何也成舍之為君所以重商人之弑也

州吁弑君則以國氏商人獨稱公子何也以國氏者

累

劣偽反

及乎上稱公子者誅止其身夫州吁寵愛有

匹嫡奪正之漸莊公養成其惡而莫之禁至於弑逆

則有以致之矣故曰以國氏者累及乎上按左氏魯

叔姬妃

音配本亦作配

齊昭公生舍叔姬無寵舍無威商人

心知其孤危寡特可以取而代也於是驟施式政反於

國而多聚士然則商人弑逆出於其身之所為而非

昭公有以致之也故曰稱公子者誅止其身舍未踰

年而成之為君者穀梁子曰成舍之為君所以重商

人之弑也

陸氏曰春秋之作本以懲奸惡若未逾年之君被弑而不曰君則逆亂之臣皆以未



逾年而肆其凶惡故原情立義而以弑君書晉奚齊  
本不正故異於此條氏曰嫌未踰年與成君以故誅  
商人為萬世戒高郵孫氏曰人子之心則未逾年而  
稱子國人弑君則未逾年而稱君此春秋所以辨君  
臣之分而防篡弑之禍愚按子般子亦不成之為君  
者夫子魯臣為國諱惡與筆削他國事不同蓋成舍  
之為君所以別其與奚齊異而與他弑君同苟不成  
其為君則商人與他弑異矣○趙氏曰公羊云其言  
弑何已立之已弑之假如非已立之得不為君乎臨  
川吳氏曰叔姬書子乃文公女左氏以叔姬為舍母  
夫文公即位才十四年豈有女配齊昭公而生子可  
立為君者哉齊昭公以僖二十八年即位叔姬配昭  
公當在僖公末年時文公尚為世子宜有世子年幼  
而有女嫁鄰國年長之君為夫人者乎況文四年逆  
婦姜于齊蓋齊昭之女也宜有齊昭既娶魯文之女  
而魯文又娶齊昭之女者乎故知左氏以舍母為文

公女者  
妾也

宋昭子哀來奔

宋昭公無道高哀為蕭封人以為卿不義宋公而出

遂來奔書曰子哀貴之也

並左傳杜氏曰貴其能  
食汙君之祿辟禍速也易

曰幾者動之微吉之先見者也君子見幾而作不俟

終曰

易大傳愚按謂見幾而作審擇所處不待  
其微之著也夫子所謂亂邦不居是也

宋子

哀有焉昔微子去紂列於三仁之首子哀不立於危

亂之邦而春秋書字謂能貴愛其身以存道也若偷

生避禍而去國出奔亦何取之有

陸氏曰奔者皆有罪而子哀獨以宋

公不義不貪其祿而去之出奔之美者春秋所未有故書字以褒之孫氏曰子哀亦公弟叔肸之比張氏曰自宋昭公在位終始無一善可稱大臣死禍出奔者比比皆是獨子哀潔身而去不蹈隕身濡尾之悔觀蕩意諸再歸而卒不免則子哀之見幾而作豈非既明且哲之流哉故書之以與之高氏曰春秋之法自外至者非有罪則不名自內出者非有罪則不書若但書子哀之來則不見奔義若書名書奔則與有罪者等故特書字而季子來歸不書出奔蓋為此也愚按或以子哀為昭公之子若糾子同之類然見父之危舍之而去未必書子或又以為宋公族子子姓哀名然諸國之臣未有以國姓為氏者當從子哀書字

為是

冬單伯如齊

懿

人執單伯

單音善左傳襄仲使求昭姬于齊曰殺其子焉用其

母請受而罪之單伯如齊請子叔姬齊人執之又執子叔姬公羊傳不稱行人而執者以已執也

齊君舍魯之甥也商人弑舍固忘魯矣魯使單伯如

齊

范氏曰單伯魯大夫

齊人意欲辱魯故執單伯并子叔姬而

誣之以罪

高郵孫氏曰不言及者非單伯累之齊人自執子叔姬爾高氏曰齊人誣單伯以淫

子叔姬而并執之不言及者不可及也兩書齊人執者以明單伯子叔姬之無是事也則二言之若二事

焉所以重齊人之罪也明年書單伯至自齊又書齊人來歸子叔姬則知齊人執之者誣也不稱

行人公羊所謂以已執之者也

何氏曰已者已大夫自以大夫之罪執之

也愚按謂自以單伯已罪執之非為魯也○劉氏曰左氏云王使單伯如齊非也若單伯為周大夫何以書至自齊乎公羊云道淫也穀梁云私罪也皆非也張氏曰單伯自莊元年至今已八十餘年未必一人或其子若孫歟愚按晉樂書樂屬父子同稱樂伯士渥濁士彌牟祖孫同稱士伯而家父仍叔詩序皆有之或世稱之也春秋因其本稱而稱之若高子是也公穀云道淫乃齊之誣辭耳啖氏乃引豫齊歷典十

郡年近百歲猶更娶妻為證何傳會之謬耶

齊

懿人執子叔姬

程子傳商人弑君之惡已顯而執叔姬之事聖人不獨罪商人也齊人不

討賊俱北面事之又致執其君母齊之人均有罪焉故曰齊人

子叔姬者齊君舍之母也弑其君執其母皆商人所

為而以為齊人執之何也商人弑君之罪已顯而齊

人黨賊之惡未彰商人驟施

去聲

於國而多聚士是以

財誘齊國之人而濟其惡也齊人懷商人之私惠忘

君父之大倫弑其君而不能討執其母而莫之救則

是舉國之人皆有不赦之罪也

張氏曰執無罪書人者固春秋之例也然

其君無罪則其臣當為之用而罪在上其君當討之賊而臣為之用則罪在下而不在上矣齊人不以商

人為不共戴天之讐而相帥以為之用執鄰國之假命卿與其君母則商人無責焉而罪齊國之人也假

有人焉正色而立於朝誰敢致難

去聲

其君與執其母

而不之顧也

公羊桓二孔文正色而立於朝則人莫敢過而致難於其君者故聖人

書曰齊人執子叔姬所以窮逆賊之黨與而治之也

其討罪之旨嚴矣故曰春秋成而亂臣賊子懼

陸氏曰

左氏言叔姬乃齊君母春秋例無執本國人者此乃魯女嫁齊齊不受而執之爾臨川吳氏曰竊詳事意齊舍年幼新立急欲求配居喪而娶文公之女故其逆其歸皆不書姬歸當是九月之末至齊而舍已被弑姬無所從故十月之初魯遣單伯往請叔姬商人惡魯與舍為昏因單伯來誣以曖昧之罪將以辱魯單伯乃叔姬歸齊之後如齊而非送叔姬也

己匡王  
酉元年  
十有五年

晉靈九齊懿公商人元年衛成二十三年蔡莊三十四卒鄭穆十六曹文六

陳靈二杞桓二十五宋昭八恭康九楚莊二

春季孫行父如晉

靈左傳為單伯與子叔姬

故也張氏曰魯不能閒暇明政刑以義討齊而反因晉以求於齊行父為大夫不能請討弑君之賊晉為盟主不能奉天討於

○三月宋

昭

司馬華孫來盟

華戶化反左傳宋華

耦來盟公與之宴辭曰君之先臣督得罪於宋殤公名在諸侯之策臣承其祀其敢辱君請承命於亞旅穀梁傳司馬官也其以官稱無君之辭也盟不言及者以同與之也杜氏曰耦華督魯孫

司馬主兵之官

蔡氏曰司馬主戎馬之事軍政莫急於馬故以司馬名官道音宋王者之

後得自命官華孫以逆族而主兵權所謂因事之變而書之

稱華孫者自督弑殤

公桓二

諸侯受賂失賊不討使秉宋政及其後世繼



掌兵權春秋之所禁者故傳去聲載其承命亞旅之詞

而經書曰宋司馬華孫來盟其曰華孫猶季孫叔孫

仲孫臧孫之類

家氏曰書華孫者著其為華督之孫如武氏子仍叔之子

不書名

者義不繫於名也不稱使以是專行為無君矣

范氏曰擅

權專國不君其君緣其不臣因曰無君呂氏曰不言使自請之也高氏曰不由君命擅來求盟故直書宋

司馬華孫來盟以罪之家氏曰穆襄之族連歲為亂翦君之羽翼幾盡遂奉公子鮑因襄夫人大樹黨與

為篡奪之計昭公僅擁虛器而已華耦蓋公子鮑之黨豫自結於諸侯以免討其不稱使言不以君命至

也愚按來盟不稱使者三其權皆在來盟之臣然屈完能服齊桓之義高子能定魯國之難聖人皆予之

華耦專權結好於鄰國而不  
能免昭公於克逆則罪也  
孟子曰所謂故國非謂

其有喬木有世臣之謂也春秋此義其欲後世以賢

者之類功臣之胄為世臣然後委之以政乎

孫氏曰宋自僖

公會諸侯于薄繹宋公之後未嘗與魯通問今華孫  
來結盟以尋舊好○劉氏曰左氏云宋華耦來盟其  
官皆從書曰宋司馬華孫貴之也非也周之禮經諸  
侯相聘其使介有常數矣不聞其官皆從以為典也

夏曹伯

文

來朝

蜀杜氏曰凡書來朝皆譏譏其不朝天子而相朝失其正也愚按曹伯十一年

來朝才越四年而又朝不翅如事天子之禮文公屢受  
小國之朝而不報亦猶屢朝於齊晉而不見答也○趙  
氏曰左氏云諸侯五年再相朝古之制也按周禮諸侯  
猶各以服數朝天子若諸侯五年再相朝即須四面而

往無停歎時矣以理推之諸侯除州伯之外無相朝之限○齊懿人歸公孫敖之喪

左傳齊人或為孟氏謀曰魯爾親也飾棺實諸堂阜魯必取之從之卞人以告惠叔猶毀以為請立於朝以待命許之取而殯之齊人送之書曰云云為孟氏且國故也莫視共仲

公孫敖慶父之後行

去聲

又醜矣

據奔莒從已氏宋氏曰出奔之過輕弑君

之罪重

出奔他國其卒與喪歸皆書于策者許翰以謂

文伯惠叔二子之哀誠無已也故魯人從其請國史

記其事仲尼因而不革者以教著教也

杜氏曰大夫喪還不書魯

感子以教父敦公族之恩崇仁孝之教故特錄教喪以示義高氏曰魯既許之復而立其子為仲孫氏矣

豈有臣其子而不使之奔其父之喪者乎崇公族之思篤君臣之義則姑聽其家以其喪歸可也易

曰 蠱初六

有子考无咎

朱子本義蠱者前人已壞之緒子能幹之則飾治而振起

不累其父而可得无咎矣

周公命蔡仲曰

書蔡仲之命

爾尚盖前人之

愆

尚庶幾也盖掩也言庶幾能掩其父之惡也愚按不言來歸盖蔡人但送於竟上而教之子自取以

葬故不曰來於哀姜書曰夫人氏之喪至自齊而不曰蔡人歸之此夫人與大夫之別也或謂教廢君命

不當錄其卒又不當受其喪今按教實魯國之罪人喪無可歸之義而惠叔哀毀以請懇切之至遂許以

桓漸強之由雖有罪而獲赦也○劉氏曰公羊云不

言來內辭也脅我而歸荀將而來也按有來者有不來者此其不來者也春秋据實而書耳教死殆十月

豈可置之編  
輿以行哉

六月辛丑朔日有食之鼓用牲于社

左傳非禮也日有食之天子不舉伐

鼓于社諸侯用幣于社伐鼓于朝以昭事神訓民事君示有等威古之道也高氏曰莊公兩以日食鼓用牲于社其非禮妄作義已著矣今文公亦復如此必以為先朝故事可舉而行之也後世人君有舉行先朝故事不顧義之可否皆因陋承誤不知春秋之義者也詳見莊二十五年

○單伯至自齊

左傳齊人

許單伯而赦之穀梁傳大夫執則致致則名此其不名何也天子之命大夫也

單伯天子之命大夫也故逆王姬會伐宋使于齊

去聲

皆書其字致而不名與意如嫡

敕略反

異者無所書而

不尊王命謹臣禮也

王氏曰內大夫適他國不以久近其歸未嘗書至惟被執而得

反則以至書大夫國體一國之休戚係焉故也臨川吳氏曰魯臣自他國至者二此單伯至自齊意如至自晉是也皆為齊晉所執幸得解脫故書其至此見經之書至者皆危之也○張氏曰若如左氏之說以單伯為周大夫則是齊執王使春秋既不書其自周來魯又止書其至魯而不復言其歸京師是同之於魯之臣子無復周魯大夫之異且無以明齊人之執王使宣春秋辨上下尊王室之義哉

晉

靈

卻缺帥師伐蔡

莊

戊申入蔡

左傳新城之盟蔡人不與晉卻缺以上軍

下軍伐蔡曰君弱不可以怠戊申入蔡以城下之盟而還凡勝國曰滅之獲大城焉曰入之趙氏曰入而言伐言伐之不服而後入也所以兼惡蔡高氏曰蔡侯既與楚子次于厥貉故不與新城之盟晉卻缺伐之斯有名

矣凡伐不言入伐之不服然後入焉見蔡雖附楚楚人不之救也故書戊申入蔡而足以知楚之不足恃矣此雖蔡人自取之亦所以甚晉也然晉魯不修所以服楚而暴小國以爭諸侯欲使區區之蔡捍楚之強而不貳則亦難矣故言伐言入甚之矣謹而日之又甚之也張氏曰君弱不可以怠修德以來蔡上也缺乃以兵伐而入其國徒示威武暴及其都民而蔡終不心服謂之能佐霸主服諸侯可乎言伐言入甚之也家氏曰晉文踐土于溫翟泉之會蔡皆與會楚次厥貉蔡為罪首以附之卻缺伐之斯有名矣然齊桓潰蔡而後臨楚意不專在蔡也今晉不能敵楚雖入蔡而不有益見其元能為耳陳氏曰自伐書陽處父入書卻缺侵書趙穿由是凡役書大夫○趙氏曰公羊云入不言伐此言伐至之日也若如此則當書戊申卻缺伐蔡入之此既隔伐而言入則非是

○秋齊

懿

人侵我西鄙

也

其遠之何也不以

難介我國也高氏曰齊商人篡弑又執我命大夫罪不勝誅而反加兵於我故賤而人之臨川吳氏曰魯無得

罪於齊齊之興○季孫行父如晉靈左傳齊侵我故季師無名故曰侵○文子告于晉高氏曰

一歲再如晉○冬十有一月諸侯盟于扈左傳晉侯宋皆為晉故

陳侯鄭伯許男曹伯盟于扈尋新城之盟且謀伐齊也齊人賂晉侯故不克而還於是有齊難是以公不會書

曰諸侯盟于扈無能為故也程子傳此盟為齊亂也魯以備齊不在會故不序又稱諸侯者衆辭見衆國無能

也為

盟于扈者晉侯宋公衛蔡陳鄭曹許八國之君也何

以不序略之也

杜氏曰將伐齊晉侯受賂而止故總曰諸侯言不足序列陳氏曰非一役



再有事而不序諸侯散辭也臨川吳氏曰晉侯伯主也而與諸侯同稱諸侯不以霸主畀晉靈也春

秋於外域君臣同詞而不分爵號去聲說者以為略之

也八國曷為略之等於外域乎齊人弑君不能致討

受賂而退奚以稱中國矣不曰晉人會諸侯盟于扈

而曰諸侯盟者分惡於諸侯也陳恒弑其君孔子沐

浴而朝告於哀公請討之弑君之賊夫人之所得討

也而况諸侯乎况於鄰國乎劉氏曰大者天也其次君臣道莫先焉晉為伯

主齊弑其君與諸侯而莫能正晉固有罪矣諸侯皆莫之討不亦病乎夫諸侯不專征者也田恒弑簡公

而孔子請討焉是豈非義而孔子行之哉從此  
觀之盟于扈之意晉固有罪而諸侯亦病矣  
略諸

侯而不序以其欲討齊罪而復扶又不能也況於鄰

壤初不與音預盟會者乎魯君之罪亦可知也文集春秋以好

生惡殺為心獨至弑逆之賊必誅而不赦蓋亂常毀  
則赦而不誅則天理滅矣愚按此年盟扈欲討齊而  
不果十七年會扈欲討宋而不能皆以賂而棄討賊  
之義故皆略諸侯而不序左氏一則曰無能為一則  
曰無功皆謂其廢天討而縱亂賊也七年公會諸侯  
晉大夫盟于扈趙盾內專廢置其君而諸侯俯首以  
聽命是亦篡弑之萌矣故晉大夫不書名氏說者當  
比事而考之○趙氏曰左氏云凡諸侯會公不與則  
不書按諸侯會公不與而列會  
者非一則知左氏之說非也

十有二月齊懿

人來歸子叔姬

程子傳執之書故來歸不得不書

不言齊子叔姬來歸而曰齊人來歸子叔姬者見

音現

子叔姬無罪齊人自絕而歸之爾

劉氏曰出夫人者未嘗不使大夫將

命杞叔姬郊伯姬曰來歸此其曰齊人來歸子叔姬春秋正名別賢治不肖子叔姬以禍亂逐非得罪於先君魯雖受之其義固可以自直故謂之齊人來歸明罪之在也高氏曰凡內女見黜皆書來歸罪在姬也此書齊人來歸者罪在齊人也晉合諸侯盟于扈受齊賂而不伐齊故齊人自歸子叔姬以解諸侯之意

春秋深罪齊人以商人為君而不知其惡故其執

其歸與殺其君商人皆稱齊人深責之也

家氏曰父母志歸其

女情之不容已者國君志討鄰賊亦義之不容已者也况魯甥以弑殞魯女以執辱霸主不能討魯國所當問文公誠能赫然發憤請命天王大興師徒問齊人弑舍之罪縱未能以高人為戮亦足以伸大義於天下乃卑躬下氣以請叔姬置討賊之公義篤婦女之私情書齊人執子叔姬齊人歸子叔姬其執其釋在人閔姬而病魯也○劉氏曰公羊云其言來言閔之也非也加來何以為閔不加來何以為不閔此直來歸耳無強說也穀梁云父母於子雖有罪猶欲其免也亦非也鄭伯姬來歸有罪見出者也齊人來歸子叔姬無罪齊人強出之者也

齊侯

懿

侵我西鄙

左傳謂諸侯不能也

遂伐曹

文

入其郭

郭音孚左傳討

其來朝也季文子曰齊侯其不免乎已則無禮而討於有禮者以亂取國奉禮以守猶懼不終多行無禮弗能

在矣公羊傳郭者何恢郭也襄陵許氏曰魯盡禮於晉而見侵弗恤曹修禮於魯而被伐莫救夫豈持齊之暴戾無道皆晉靈趙盾之失職也高氏曰商人弑君自立諸侯會于扈謀伐之晉取賂而還是成商人為君也故自此遂書齊侯商人知諸國之無能為益無顧忌肆其威暴且恚魯伏晉以謀已故一歲而再侵魯惡魯而及曹非理甚矣凡伐不言入其郭者甚之也因魯而加兵於曹曰侵可也而曰伐者討其以王禮事魯執辭正也陳氏曰入郭皆不書於齊持書之侵我皆書人於是書齊侯異其文者異其事也○啖氏曰公羊云入郭不書此何以書動我也按因其侵伐我遂入曹故得詳其事非為其動我也劉氏曰入郭殆矣幾乎入矣勢不輕於圍豈得不書哉

庚王  
戊二年

十有六年

晉靈十齊懿二衛成二十四蔡文公  
申元年鄭穆十七曹文七陳靈三杞

桓二十六宋昭九  
弑秦康十楚莊三

春季孫行父會齊侯

懿

于陽穀齊侯

弗及盟

左傳及齊平公有疾使季文子會齊侯于陽穀  
請盟齊侯不肯曰請侯君間公羊傳其言弗及

盟何不與盟也何氏曰與齊期盟中見簡賤不見與  
盟趙氏曰大夫求盟諸侯宜弗盟也譏公不親往程子  
傳魯齊既先約盟而公稱疾不往乃使季孫行父會故  
齊侯不及盟張氏曰文公即位之元年以會霸主為憚  
而付之公孫故以取晉怒魯之不得志於晉者數年今  
齊之亂公能修明政刑告天子方伯以討其罪則雖大  
國必畏之矣既不能然反使商人得以強大而威我親  
威命使執辱於齊邇鄙被兵與國蒙伐此有志者因心  
衡慮而圖之之時也文公方且宴安於其國復使其臣  
犯分求盟以平異日之隙如何不思之甚哉王氏曰弗  
者遷詞若曰我本欲及齊盟而齊弗及我盟也上既曰  
會齊侯則是齊許之會非絕魯也六月公子遂及齊侯

盟可知也。愚按齊懿之不與行父盟，非果能以大夫不可抗諸侯之禮責魯而不盟也。特以勢軋魯而魯文公之親至及襄仲納賂，則貪於利而不復責文公之不至矣。故直書曰：齊侯弗及盟，不以商人之侮辱為耻也。然平丘之盟，則書公不與盟，此不曰行父弗及盟，而書齊侯，則季孫亦不能無責矣。

○夏五月公

四不視朔

左傳疾也。公羊傳曷為四不視朔？公疾疾也。何言乎公有疾不視朔？自是公無疾不視朔也。

也。曷為不言公無疾不視朔？有疾猶可言也。無疾不可言也。穀梁傳：天子告朔于諸侯，諸侯受乎禘廟，禮也。公四不視朔，公不臣也。以公為厭政已甚矣。

天子班朔于諸侯，諸侯每月奉以告廟，出視朝政。趙

氏纂例：何氏曰：禮諸侯受十二月朔政于天子，藏于太祖廟。每月朔朝廟，使大夫南面奉天子之命，君北

而受之乃察一月之政頒於其國故謂之視朔必受之於廟者孝子緣生以事死親存則朝朝而夕夕已死不敢忘故朝廟受朔而視政也杜氏曰諸侯每月必聽政因朝于廟今公以疾闕不得視二月三月四月五月朔也

文公四不視朔公羊子以為有疾也不言疾

自是公無疾不視朔也

何氏曰是後公不復視朔政事委任公子遂范氏曰是後

視朔之禮遂廢故子貢欲去其羊孔氏正義此後有不告朔者亦不復書其譏已明以不復譏也高郵孫氏曰視朔之禮廢自文公始不曰始不視朔者或行而或廢也此見聖人所書之意

若後復

扶反

視朔者必於此書公有疾與昭公如晉

之事比矣

張氏曰春秋微顯志晦之法无往不寓以見諱國惡而不沒實之意文公以疾不視



朔春秋不用昭公有疾乃復之例書公有疾四不視

朔而特書公四不視朔蓋文公自是因循不講告朔

之禮以致他公不復舉行所以定哀之時聖人有我愛其禮之言羊存而禮廢其必始於此歟文公

厭於艷政備見現於經閏不告七年閏月朔不視無

雨不閏二年自十二月不雨至七月十年十三年會

同不與七年盟扈後至十五年盟扈十七年會扈皆

盟衡雍盟暴此年盟鄆丘使公子遂此年會陽

穀使季孫行父十一年會承筐使叔仲彭生廟壞

不修室屋壞作主不時二年作僖公主事神治民

之急也則其心放而不知求久矣盟趙氏曰文公諸侯

不視朔又不會葬以此推公性寬賒而怠於國務高氏曰朔者天子之所頒也諸侯上稟天子之命下授萬民之時故其奉王朔告于廟則謂之告朔退而視朝以授民則謂之視朔前此未有書不視朔者若其有疾則亦常事兩此特書者見公之非有疾而然也蓋欲符季孫行父之言使齊不疑耳蜀杜氏曰六年閏月不告月猶朝于廟夫子錄之是幸其禮不盡廢也今又書不視朔是未嘗朝廟聽政禮廢甚矣愚按告朔乃諸侯所以奉天子之政令當時諸侯既不稟命于天子而自立又不朝于天子而述職其所以承天子之命而授之民者惟有此耳水木本源之義泯滅而僅存者也文公昉廢此禮而不行實有元王之心非特怠於事神治民而已也公羊左氏以為公有疾穀梁以為无疾今考四不視朔實在齊侯不及盟之後公子遂盟郎丘之前蓋公性怠惰又懼敵人之辱已故因微疾而託之以不聽政遂辭齊而不會然

二百四十二年宣元因疾不視朔者而皆不書莊公七月有疾八月薨亦不書八月不視朔是文公之疾非果不能視事也子貢欲去告朔之羊蓋汨襲之弊以是為不急之務或廢或行至春秋之末雖賢者以為當廢春秋特筆以罪文公譏其作俑耳

六月戊辰公子遂及齊侯盟于鄆丘

鄆丘

鄆音西公作犀丘穀作師丘公

羊傳作菑丘左傳公使襄仲納賂于齊侯故盟于鄆丘穀梁傳復行父之盟也杜氏曰鄆丘齊地信公族日以賂故王氏曰此盟魯有畏而強欲與之盟也然行父請盟則弗及仲遂納賂則俯從敵人之為君可知矣見弑於近習宜哉高氏曰春秋書公四不視朔非特譏公之急亦以見公子遂得盟之由則知此盟非齊侯之欲故明年齊侯復伐西鄙僅少紓而已故謹而日之家氏曰齊魯皆千乘之國齊能伐魯魯豈不能扞齊况直而壯

者在魯曲而老者在齊彼以其力我以其義吾何憚於彼而行父襄仲乞盟不得至納賂求盟魯之君臣有愧甚矣○秋八月辛未夫人姜氏薨杜氏曰僖公夫人文公母也毀泉臺

左傳有蛇自泉宮出入于國如先君之數聲姜薨毀泉臺公羊傳郎臺也未成為郎臺既成為泉臺毀何以書築之譏毀之譏先祖為之已毀之不如勿居而已矣穀梁傳以文為多失道矣自古為之今毀之不如勿處而矣已

先祖為之非矣

何氏曰莊公所築臺于郎然臺之存毀非安危治

去聲亂之所繫也

劉氏曰魯人以為祥而毀之非明民之道雖勿居可也而

必毀之是暴

步卜反

揚其失有輕先祖之心

何氏曰但當勿居今

自毀壞不當故毀  
暴揚先祖之惡也

此履霜之漸弑父與君之萌春秋

之所謹也故書

孫氏曰惡勞民也築之勞毀之勞既  
築又毀可謂勞矣高郵孫氏曰毀者

全除之與墮異也先君為之是而毀之是毀先君之  
美也為之非而毀之是暴先君之惡也公羊之說得  
之荀悅曰春秋之義毀泉臺則惡之薛氏曰築之蓋  
勞人也又勞人以彰為者之非是益非也愚按或者  
謂先君築之非則今日毀之是文公毀之為莊公滅  
惡孝之大者夫孟獻子以其兄所為之室尚曰毀之  
重勞且不敢間況以國君而勞民以毀先君之所築  
者乎○劉氏曰穀梁曰喪不二事二事緩喪也非也  
但毀一臺何能令喪緩乎聲姜九月而葬所以緩者  
亦猶作僖公主豈為毀臺乎李氏堯俞曰左氏記蛇  
妖且春秋有異皆  
備書何故而闕之

楚莊人秦康人巴人滅庸

左傳楚大饑戎伐其西南至于阜山又伐其東南至于陽

丘庸人帥羣蠻以叛楚麇人帥百濮聚於選將伐楚楚人謀徙於阪高為賈曰不可我能往寇亦能往不如伐庸使廬戢黎侵庸庸人逐之楚子會師于臨品子越子貝伐庸秦人巴人從楚師羣蠻從楚子盟遂滅庸

楚大饑戎與麇濮交伐之而庸人幸其弱帥羣蠻以

叛楚此取滅之道也楚人謀徙於阪

音反

高為

于委反

賈

曰不可我能往寇亦能往不如伐庸亦見其謀國之

善矣故列書三國而楚不稱師滅楚之罪詞也

張氏曰庸

乘饑僅率蠻危楚楚一畏徙則無以保其國然御變待敵亦制服之而已夷人宗社宜王法之所容乎楚

子克庸而遂滅之其罪大矣是以人楚子而罪自滅也高氏曰楚率秦已以滅庸則秦又聽服於楚矣夫城濮之役秦人在焉遂與中國盟會晉襄因殺之役報復不已自是失秦使其協和以攘楚且討其弑君父之罪蓋有餘力而晉反棄秦以資楚此中國所以不振也

# 冬十有一月宋人弑其君

昭

杵臼

公作處白左傳宋公子鮑禮於國人宋饑

竭其粟而賚之年自七十以上無不饋詒也無日不數於六卿之門國之材人無不事也親自桓以下無不恤也襄夫人助之施昭公無道國人奉公子鮑以因夫人將使公田孟諸而殺之蕩意諸曰盍適諸侯公曰不能其大夫至于君祖母以及國人諸侯誰納我昭公將田孟諸未至夫人王姬使帥甸攻而殺之蕩意諸死之書曰宋人弑其君君無道也文公即位公羊傳弑君者或稱名氏或不稱名氏大夫弑君稱名氏賤者窮諸盜

此襄夫人使甸

之師甸

殺之也而書宋人者昭公無道

國人之所欲弑也

范氏曰稱人者衆辭衆之所同則君過可知陳氏曰稱人猶曰衆人

殺之云耳昭公之篇大夫特書官而意諸不言及大夫而不書官則臣子何罪意諸而言及則昭公疑於弑閔薛氏曰書人皆微者也國君無道微者得以殺之君之罪而又誅其臣子也君無道而

弑之可乎諸侯殺其大夫雖當

去聲

於罪若不歸司寇

猶有專殺之嫌以為不臣矣況於北面歸戴奉之以

為君也故曰人臣無將將而必誅

本公

昭公無道聖

人以弑君之罪歸宋人者以明三綱人道之大倫君



臣之義不可廢也

永嘉呂氏曰稱人以弑則其國人咸有罪焉宋人弑其君杵臼國人

利公子鮑之惠奉而欲立之因昭公田孟諸郊旬之師攻而殺之是宋國之人皆欲弑之也齊人弑其君

商人亦齊人利商人之惠縱其弑舍而君之及邠獸閭職弑懿公而國人又莫之討是齊國之人皆有罪

也莒人弑其君密州以莒子虐國人攻而弑之是莒國之人皆有弑君之心也然則有土之

君可以肆於民上而無誅乎

左傳襄十四天生民而立之君使司牧之豈其

使一人肆於民上以從其淫而棄天地之性必不然矣

諸侯無道天子方伯在

焉臣子國人其何居

音基死於其職而明於去就從違

之義斯可矣

高氏曰不書莫賊不討也杵臼之死襄夫人為之也若專歸罪於夫人則杵臼

無道失衆之惡無自而見惟以衆言之則夫人之罪在其中矣此之謂善志春秋之世君以無道致禍者衆矣獨杵臼與齊商人莒密州稱人以弑者天之所廢必若桀紂然以紂之虐民欲與之偕亡而成湯放之猶有懿德以紂之不善億兆離心而文王事之猶不敢違况君罪未至此而輒為賊以弑之乎愚按昭公自言不能其大夫至於君祖母以及國人則其無道而不足以君宋固不誣矣然左氏云公子鮑美而豔襄夫人欲適之使襄夫人與鮑果有淫行則舉國之人豈肯心悅誠服而當國大臣安有順鮑之所欲而君之乎此未可信竊意昭公無道久失衆心故襄夫人寢使人因衆惡而戮之既戮之而猶加以美謚則將掩其殺國君之惡也春秋推見至隱書曰宋人弑其君既足以著昭公無道之實又斥宋人大惡之罪而襄夫人以君祖母縱國人之弑其君其與弑之罪不書而自見矣朱子綱目於後魏馮太后鳩顯祖

直書曰太后弑其主蓋取法春秋書宋弑昭公之例也

蕩意諸亦死職春秋削

之不得班於孔父仇牧荀息何也三子開其君而見殺春秋之所取也意諸知國人將弑其君而不能止

知昭公之將見殺而不能正

據傳云夫人使謂司城去公

坐待其

及而死之所謂匹夫匹婦自經於溝瀆而莫之知也

奚得與死於其職者比乎

愚按意諸違亂出奔未幾而復反既不能引其君當

道使免於難又格於利害之私而守位不去其亦不仁矣

聖人所以獨取高哀之

去而書字以褒之也

辛丑王  
亥三年

十有七年

晉靈十一齊懿三衛成二十五蔡文  
二鄭穆十八曹文八陳靈四杞桓二

十七宋文公鮑元年  
秦康十一楚莊四

春晉靈人衛成人陳靈人鄭穆人

伐宋

昭左傳晉荀林父衛孔達陳公孫寧鄭石楚伐宋  
討曰何故弑君猶立文公而還卿不書失其所也

程子傳行天討而成其  
亂失天職也故不卿之

列國之卿其君所與共天位治天職者

本孟

宋有弑

君之亂欲行天討而伐宋乃其職也復

扶又

不能討

而成其亂

左傳荀林父以諸侯之師伐宋宋及  
晉平取賂而還宋文公受盟于晉

是不

足為國卿失其職矣故皆貶而稱人

陳氏曰曷為貶  
稱人失討賊之

義也宋賊無主名宜若勿討其責諸侯以討之何子  
弑父凡在官者殺無赦臣弑君凡在官者殺無赦衆  
人弑君賊奈何勿討也賊  
可以勿討則昭公書葬矣大夫帥師稱名氏賤者窮

諸人

羊本公傳

其稱人賤之也陳恒弑簡公孔子請討曰

以吾從大夫之後不敢不告也

高氏曰孔子雖已告

卿大夫之位者乎春秋之誅亂賊如魯宣公者與謀也如楚公子比者與事也若宋文公始無弑君之謀終無弑君之逆而以為弑君者有其情也今諸國之師不探其情而無所委罪焉貶而人之不亦宜乎

夏四月癸亥葬我小君聲姜

公作聖姜公羊傳聖姜者何文公之母也高氏曰九

月乃葬慢也不稱僖姜而別為之諡非禮也文公三不與諸侯盟會四不視朔又緩葬其母其怠於政事可知

也已○劉氏曰左傳云有齊難是以緩按  
聲姜薨後乃無齊難既葬而有齊師耳  
○齊侯懿伐

我西鄙

左氏傳文作北鄙

六月癸未公及齊侯

懿

盟于穀

左傳齊侯

伐我北鄙襄仲請盟六月盟于穀高氏曰齊猶以公不親盟復來討而齊公與盟于此見鄭丘之盟無益矣愚按鄭丘與穀之盟皆書及則二盟皆魯人汲汲欲盟非齊之急於盟也明年商人戒師期使無申池之禍則兵又至魯矣盟豈足恃哉家氏曰齊之無道亦極矣魯之不自振亦甚矣齊商傲而日益盈魯文卑而日益索皆將死之證商惡○諸侯會于扈  
左傳晉侯莒于黃父遂賈盈宜及於難復合諸侯于扈平宋也公不與會齊難故也書曰諸侯無功也杜氏曰傳不列諸國而言復合則如上十五年盟扈之諸侯可知也

宋昭公雖為無道人臣將而必誅

本公

春秋正宋人

為弑君之罪所以明人道之大倫也故大夫無沐浴

之請則貶而稱人諸侯無討賊之功則略而不序

杜氏

曰昭公雖以無道見弑而文公猶宜以弑君受討故

林父伐宋以失所稱人

晉侯平宋以無功不序明君

雖不君臣不可以督大教

不臣所以督大教不然是廢君臣之義人欲肆而天

理滅矣故曰春秋成而亂臣賊子懼

王氏曰桓二年會稷以成宋亂

獨序諸侯者春秋之初四國交亂猶之可也至此八

國成亂

天下之勢將淪胥矣家氏曰兩虜之會諸侯

不序春秋所以削晉霸而著其黨逆之罪也自齊桓

之霸中國久無篡弑之禍及齊商人宋鮑弑君霸國

無討又從而安定之自是篡弑之禍接迹於中國魯

赤晉靈皆斃于強臣之手趙盾實為之也人以為盾

有無君之心故黨逆賊而不問盾何以辭其責或謂宋督弑君四國為會于稷春秋書曰以成宋亂今晉人兩扈視稷無以相達不書成齊亂成宋亂何哉夫晉之弑霸事未興書成宋亂並責在會之諸侯也今晉主夏盟商與鮑皆釋而無討更與諸侯共定篡賊之位罪浮于稷故春秋削晉霸而不列數諸侯事雖同而書法異罪有輕重故也愚按二虐之會皆取賂而還見利而忘義也

秋公至自穀

高氏曰公不與扈之會而及齊盟穀苟免齊難書至自穀則不會扈可知矣張氏曰

齊商人不足與會書至危之愚按明年齊復欲伐魯則危可知矣

○冬公子遂如齊

左

傳襄仲如齊拜穀之盟高氏曰公已與齊侯盟而遂復往者政在遂故也愚按自商人之篡魯連年被兵上卿納賂請盟而君又親與盟繼又使卿往聘而怒猶未怠也卑屈之不足以紓禍也如是苟非假手於歛賊則魯



其殆

哉

壬匡王  
子四年

十有八年

晉靈十二齊懿四弑衛成二十六蔡文三鄭穆十九曹文九陳靈五杞桓

二十八宋文二秦  
康十二卒楚莊五

春王二月丁丑公薨于臺下

穀梁傳臺下非

正也高郵孫氏曰薨非路寢皆不正也其曰臺下蓋又甚焉愚按或謂因隕而薨不能順受其正故以非命而終今雖莫考其詳然經書薨于臺下則其失正終之道亦可敗矣

○秦伯瑩卒

康公也在位十

二年子稻嗣是為共公高氏曰秦雖伯益之後本附庸也僻在西夷自秦仲始大至平王時襄公有功於周室賜爵為伯穆公與於城濮之戰自後與中國交聘盟會康公歸榷始與魯通好至是遂書其卒

○夏五月

戊戌齊人弑其君懿

商人

左傳齊懿公之為公子也與邠歌之父爭田弗勝及

即位乃掘而刖之而使歃僕納閭職之妻而使職勝乘  
公將于申池二子弑公納諸竹中歸舍爵而行齊人立  
公子元

按左氏齊懿公即位刖

音月

音丙

歃

音觸

之父而使歃僕

納閭職之妻而使職勝

七南反

乘

繩證反

二人者實弑懿

公然則於法宜書曰盜

通音

臣弑其君

子弑其父

非一朝一夕之故而義各不同

如閭職弑君不書盜而曰齊人須熟者傳文思聖人之意使弑君則書弑君夫人而能為春秋也

特變其詞以為齊人何也亂臣賊子之動於惡必有

利其所為而與之者人人不利其所為而莫之與則

孤危獨立無以濟其惡篡弑之謀熄矣惟利其所為

而與之者衆是以能濟其惡天下胥為禽獸而莫之

過公子商人驟施

去聲下同

於國而多聚士盡

津忍反

其家

而貸

音貳從人求物也

於公有司

公及國之有司

是以財誘齊國之

人也齊人貪公子一時之私施不顧君臣萬世之大

倫弑其國君則覲

音腆

面

越語雖覲然人面實禽獸也

以為之臣而

不能討執其君母則拱手以聽其所為而不能救故

於懿公見殺特不書盜反以弑君之罪歸諸齊人

通旨

商人當誅之賊也於法本從州吁元知之例而聖人  
書齊人弑其君者所以深罪齊國之人也高郵孫氏  
曰齊人殺商人自以其私非討賊也春秋之義弑君  
大惡之人殺之必正其罪苟不討其罪又以其私則  
亦曰弑君也所以原情以誅亂賊之黨弭篡弑之漸  
定罪而大為之防也歟

所謂拔本塞源懲禍亂之所由也故曰春秋成而亂

臣賊子懼

陳氏曰職歟微不稱盜而稱齊人所以罪  
商人也何氏曰齊人以君事之高氏曰書

齊人弑以誅亂賊之黨且見齊无臣子而商人得遂  
為君也張氏曰商人固當討之賊然齊人不以為賊  
北面稱臣而君之者三年以為賊則不當事以為君  
則不可弑今三年事之一旦弑之亂作於大分已定  
之後故曰弑其君也況商人驟施聚士以成弑舍之  
謀則齊人乃同惡之黨所以歟職殺商人而特書齊

人愚按獸職以僕御之賤既斃商人舍爵而行略不  
畏忌如肆行於元人之境則齊人固惡商人而欲其  
斃也春秋以弑君像之齊人宜矣然商人前書弑舍  
今既不從州吁元知之例以討賊書又不從楚比之  
例以盜殺書蓋罪齊人既以為君而又殺之也朱子  
綱目於隋煬前書太子廣弑帝後書宇文化及弑其  
君廣蓋取法春秋書商人之例耳此李存孝之叛其  
養父而歸朝廷君子不予以徙義而豫讓之不肯委  
質為臣而報讐者所  
以見稱於史策也

六月癸酉葬我君文公○秋公子遂叔孫得臣如齊惠

傳襄仲莊叔如齊惠公立故且拜葬也穀梁傳使舉  
上客而不稱介不正其同儔而相介故列而數之也

使

所使反下同

舉上客將

去聲

稱元帥

去聲

此春秋立文之常

體也其有變文書介副者欲以起問者見

音現

事情也

子赤夫人之子今卒于弑不著其實是為

去聲

國諱惡

無以傳信於將來而春秋之大義隱矣故上書大夫

並使下書夫人歸于齊中曰子卒則見禍亂邪謀發

於奉使之日而公子遂弑立其君之罪著矣

劉氏曰春秋之

文有常有殘廢之甚微讀者難知也則以為史耳乃春秋則欲起問者見舊惡也仲遂將弑君謀之齊而後決經書子卒其實尚隱故原其禍亂之始邪謀之發著之奉使之日以見非常也齊與人之大臣謀弑其君春秋所以異而惡之也王氏曰遂緣使事修聘於齊請立宣公得臣非介蓋並命也春秋累數而不

特書者誅其奸也臨川吳氏曰公子遂將殺適立庶而先聘齊以請故托賀立君及拜葬二事以行也高氏曰一卿將命可兼他事豈可每事一卿乎遂將弑嗣君故二卿偕往罪不容誅愚按公子遂當僖公之世入杞伐邾已得兵權文公即位遂執魯國之政特盟霸國之卿專會諸侯之師重以文之庸閭怠於政事無君之心非一日矣故假使齊之行挾得臣同往結援強鄰以定弑立之計春秋列書使介分惡於得臣也

冬十月子卒

左傳文公二妃敬嬴生宣公敬嬴嬖而私事襄仲宣公長而屬諸襄仲襄仲欲立之

叔仲不可仲見于齊侯而請之齊侯新立而欲親魯許之仲殺惡及視而立宣公書曰子卒諱之也仲以君命召惠伯其宰公冉務人止之曰入必死叔仲曰死君命可也公冉務人曰若君命可死非君命何聽弗聽乃入

殺而埋之馬矢之中公羊傳子卒者孰謂謂子赤也何以不日隱之也何隱爾弑也弑則何以不日不忍言也叔仲惠伯傳子赤者也文公死子如公子遂謂惠伯曰君幼如之何願與子慮之惠伯曰吾子相之老夫抱之何幼君之有公子遂知其不可與謀退而殺叔仲惠伯弑子赤而立宣公穀梁傳子卒不日故也杜氏曰殺視不書賤之

諸侯在喪稱子

陳氏曰惡位未定則其稱子卒何成之為在喪之君也凡君在喪恒稱子

未葬稱子某於是公子遂殺惡而立宣公故成之為在喪之君以弑罪罪宣公也

繼世不忍

當也既葬不名終人子之事也踰年稱君緣民臣之

心也子卒何以不日遇弑不忍言也

趙氏曰魯君未踰年而見殺但



書卒不可  
斥言也

既葬而不名

本啖氏

不名而遇弑者不日以

見

音現下同

其弑子赤是也

孫氏曰成君弑不地子赤未踰年故不日以別之

踰

年而稱君稱君而遇弑者不地以見其弑閔公是也何

以知其賊乎上書大夫並使

去聲

下書子卒夫人歸則

知罪之在公子遂矣

音遜

于邾出奔莒則知罪之在

夫人與慶父矣

愚按暈弑隱公而伐鄭伐宋不稱公子慶父弑閔公子遂弑子惡經不削

其族事同而既既

繼世之恩

謂在喪稱子

終事之重

謂既葬不名

情文之節

繼世不思遽稱君見人情之恩愛既葬嗣子不名見禮文之尊敬

隱惡之

禮謂不記事之信

見弑不沒子惡

誅亂臣討賊子之義

亦備矣

通旨子赤之生不見於經蓋文公不知重嫡庶之義故仲尼削之張氏曰私事公子遂敬

羸奪嫡之心也然其敢啓是心者嬖故也有夫人太子而嬖寵妾則文公所以急於政事者有自來矣國君昏於嬖寵慢棄國政故妾媵大臣相與謀賊君嗣而不能察所謂前有讒而不見後有賊而不知者文公之謂矣叔彭生身為大臣既無以救文公之失政又不能撓仲遂之邪謀有公冉務人之忠言不能用甘心就死無一毫扶持之實沒而不書有以也哉○  
愚按莊十二年傳謂惠伯死非君命故不得以死節書竊疑仲遂殺惠伯而埋之史官畏遂威權不敢書曰公子遂殺叔仲彭生夫子作春秋當哀公之時而宣公乃時君之祖考故亦仍舊史為國諱惡而不敢增也苟曰必死君命而後為死節則人臣扞君於患

難之際待召而往亦已晚矣或謂惠伯不發仲遂之謀今君及禍故不書卒夫以季文子孟獻子之賢昏黨遂逆謀反得書卒而獨責備於惠伯聖筆之討罪抑不如是之偏也何休以惠伯先見殺與荀息異然孔父先見殺而得書則亦非矣

夫人姜氏歸于齊

惠左傳大歸也將行哭而過市曰天

人謂之哀姜穀梁傳惡宣公也有不待貶絕而罪惡見者有待貶絕而惡從之者

書夫人則知其正

以氏係姓以姓係號與姜媵不同

書姜氏則知其

非見絕於先君

據文姜不稱姜氏

書歸于齊則知其無罪

趙氏

曰言歸不反之辭也

異於孫

音

于邾者

哀姜與哉閔公故稱孫

而魯國臣

子殺適

音嫡下同

立庶敬嬴宣公不能事主君存適母其

罪不書而並見

音現矣

高氏曰書夫人姜氏歸于齊于卒之下則知惡及視皆死而

無所依矣張氏曰文定於九年夫人姜氏至自齊傳曰出姜至是蓋不安於魯適庶之亂未有不始於妾上諸夫人失位而致之者是以知文公之首惡也家氏曰齊人弑舍而歸叔姬于魯魯人弑赤而歸出姜于齊弑君出母後先一轍王網縈顏伯政廢弛莫有聲其罪而討之者聖人書此重為慨嘆矣愚按文公已葬而夫人出則知嗣子之沒於弑而不容於魯也文姜哀姜預聞弑君皆書曰孫出姜書號書姓書氏書歸而無貶辭則知責魯之臣子而姜氏為無罪矣此聖人屬辭之深切著明欲人有考於是而知子惡之所以弑與公子接之所以立也○趙氏曰左氏云出曰歸于某按夫人公薨之後以子見殺自歸父母

之家非被出也若有罪見絀則當云出歸于某不得但言歸也

季孫行父如齊

惠張氏曰告宣公之立也沙隨程氏曰遂得臣行父三人皆與謀以其前後如

齊而知之也高氏曰前乎子卒書如齊後乎子卒書如齊齊實聞乎故所以惡齊也宣十八年行父云使我殺嫡立庶者仲也夫乃逐仲族則行父實與謀弑惡而立宣公故出姜歸齊而行父遽如齊馬惡實齊之甥恐齊人聽夫人之訴而來討於是議約賂而請平焉行父之罪固不待貶而魯國臣子皆不可勝誅也家氏曰經書行父如齊於夫人大歸之後則行父亦與於弑矣君薨太子立正也非奸臣之利也舍嫡立庶奸臣之利非國之福也強家擅弑立以市恩於新君而專權自茲始矣史墨云魯自東門遂殺嫡立庶魯君於是乎失國政在季氏於昭公也四君矣或

○莒弑其君


紀

庶其

左傳莒紀公生

太子僕又生季佗愛季佗而黜僕乃多行無禮於國僕  
因國人弑紀公以其實王來奔季文子使司寇出諸  
竟公羊傳稱國以弑者衆弑君之辭啖氏曰稱國以弑  
自大臣也不書大夫君無道也定公十三年傳稱國以  
弑者當國大臣之罪也道旨問滕薛邾莒事辭多簡竊  
疑莒弑其君庶其薛弑其君比乃是彼國告辭既略國  
史亦略書之非如晉州蒲舉國欲弑之者又庶其比不  
見其大惡是否曰他事則略至於弑君則必記其所由  
故或稱國或稱人○劉氏曰左氏云莒太子僕因國人  
弑之則子弑其父也父雖無道子可弑乎子弑父可匿  
其罪乎其以君無道書庶幾也臨川吳氏曰稱國以弑  
者一國臣民之衆所欲弑也如左氏之言則是僕以太  
子弑父也春秋何得書國弑乎且僕既與國人同弑君  
則當自立矣又何以奔魯乎疑僕因國之下以字當作  
之謂僕因國人之弑君懼并及禍而來奔也愚按文定  
於襄三十一年莒人弑君邾州據趙氏以為傳之誤大

略與此相類  
讀者當互考



春秋胡傳附錄纂疏卷十五